

5 Pyetje të mëdha

Një seri mësimesh doktrimore bazë

Teksti: Roi Harrison
Sem Doherti (mësimi 2)
Dhe Xhenifer Haijer (mësimi 3)

Ilustruar nga: Tim Shairi

Teksti botuar nga: BUF European
Kilchzimmer
4438 Langenbruk
Switzerland

JU LUTEMI VINI RE!

Vizualet për këtë seri mund të blihen në pjesën më të madhe të zyrave të BUF-it dhe në dyqanet në internet. Për një listë të zyrave të BUF-it dhe dyqaneve në internet në Evropë, ju lutemi vizitoni www.teachkids.eu/al dhe kliko mbi “Vendet”.



Copyright © 2004 European Child Evangelism Fellowship

Të gjitha të drejtat e rezervuara. Përdorur me leje.

Mund të riprodhohet vetëm për përdorim personal, shërbese, jofitimprurës ose jo-komercial. Vizitoni www.teachkids.eu/al për më shumë detaje mbi lejen e përdorimit.

Një seri mësimesh doktrimore bazë

Si mund ta njohim Perëndinë?
Si mund të pajtohem me Perëndinë?
A je i sigurt?
Pse jam këtu?
Çfarë do të ndodhë në të ardhmen?

Hyrja

Nëpërmjet kësaj serie të mësimeve, ne duam t'u komunikojmë disa doktrina bazë fëmijëve, që njohin pak ose asgjë nga Fjala e Perëndisë. Mësimet kanë të bëjnë me të vërteta që të gjithë fëmijët duhet t'i dinë: zbulesën e Perëndisë, shfajësimin, sigurinë e shpëtimit, qëllimin e Perëndisë për jetët tona dhe ardhjen e dytë të Krishtit. Ju mund ta përdorni serinë në shkollën e të dielës, klubin e lajmit të mirë, klubet 5 ditore, kamp, klubin biblik të pushimeve dhe madje edhe në adhurimin familjar.

Është më mirë të ndjekim nga afër komentarin e përfshirë, se sa të japësh shpjegime mbi çdo pikturë. Nuk ka shumë për t'u thënë mbi çdo aspekt; por kujtoni se vëmendja e fëmijëve është e ulët. Mos u tundoni që të "predikoni" në çdo faqe. Secili mësim do të zgjasë afro 8 minuta.

Ne jemi përpjekur që t'i paraqesim këto të vërteta madhore të Fjalës së Perëndisë sa më besnikërisht dhe qartë. Por, vetëm Perëndia Fryma e Shenjtë mund ta aftësojë prindin ose mësuesin e Krishterë për t'i kuptuar dhe mësuar këto të vërteta; vetëm Ai mund ta ndriçojë zemrën dhe mendjen e fëmijës dhe mund të sjellë shpëtim dhe rritje në hir.

"Do ta njihni të vërtetën dhe e vërteta do t'ju bëjë të lirë"
(Gjoni 8:32).

Xhenifer Haijer
Sem Doherti
Roi Harrison
dhe Tim Shairi

Mësimi 1

Si mund ta njohim Perëndinë?

Pasazhet e Shkrimit për mësuesit

Mateu 14:22-32

Romakëve 1:18-2:16

Hebrenjve 1:1-2

Mjetet vizuale

- Figurat: 1-1, 1-2, 1-3, 1-4, 1-5, 1-6 dhe 1-7

Skema e mësimi

Figura 1-1 Si mund ta njohim Perëndinë?

Figura 1-2 Bota e tij e mrekullueshme na flet për Të

Figura 1-3 Zemrat tona na tregojnë se Perëndia ekziston me të vërtetë

Figura 1-4 Bibla është Fjala e Perëndisë

Figura 1-5 Perëndia na flet me anë të Fjalës

Figura 1-6 Zoti Jezus Krisht na e ka zbuluar Perëndinë

Figura 1-7 Perëndia flet-ne duhet të dëgjojmë, besojmë dhe të bindemi

Mësimi

Figura 1-1-Si mund ta njohim Perëndinë?

Disa njerëz bëjnë pyetjen “A ekziston me të vërtetë Perëndia? A ka vërtet një Perëndi?”

Kurse disa të tjerë pyesin “Nëse ka vërtet një Perëndi, si mund ta njohim Atë?”:

Ndoshta edhe ti vetë ke menduar për këto pyetje. Prandaj le të mendojmë sot mbi këtë pyetje – **Si mund ta njohim Perëndinë?**

Figura 1-2 - Bota e Tij e mrekullueshme na flet për Të

Para së gjithash, ne mund të njohim mbi Perëndinë nga gjërat që Ai ka krijuar. Bota e Tij e mrekullueshme na tregon për Të. Për shembull, kur shikojmë yjet ne mund të mësojmë diçka rreth Perëndisë (shih Psalmi 19:1). A u vendosën vetë yjet në qiell? Jo, dikush i vendosi atje. Kur sheh një shtëpi, ti nuk mendon se ajo u formua vetiu, por e di se dikush e ka ndërtuar atë. Kur ti sheh yjet, ti mund ta dish se ato nuk ndodhen atje vetiu, por dikush i ka vendosur atje. Perëndia i ka krijuar ato dhe Ai është i madh dhe i mrekullueshëm.

A ke shikuar ndonjëherë një flutur dhe ke pyetur veten se kush mund t'i ketë krijuar këto krahë të mrekullueshëm? A i shikon krijesat e mrekullueshme si zogjtë, pemët, lulet, insektet? Kush i ka krijuar të gjitha këto? Kush kujdeset për të gjitha këto? Perëndia. Kur i shohim të gjitha këto gjëra që ka krijuar Perëndia, mund ta dimë se Ai është i gjithëpushtetshëm, i gjithëdijshëm, i mirë dhe i përkryer.

Një vajzë e vogël mori një dhuratë në postë një ditë nga një grua që ajo nuk e kishte takuar kurrë. Ajo i tha nënës së saj: “Kjo grua duhet të jetë shumë e mirë sepse ja se çfarë dhurate të bukur ka dërguar!” Kur ne shohim gjithçka

që Perëndia na ka dhënë në botën tonë, ne duhet ta kuptojmë se sa i mrekullueshëm Ai është.

**Figura 1-3-Zemrat tona na tregojnë se Perëndia ekziston me të vërtetë
Pa vizual.**

Si ne mund ta njohim Perëndinë? Zemrat tona na tregojnë gjithashtu se Perëndia ekziston me të vërtetë. (Është zëri i ndërgjegjes-shihni Predikuesi 3:11 dhe Romakëve 2:15). Ka diçka në të gjithë ne që nuk na tregon vetëm se ka vetëm një Perëndi, por edhe që ekziston e mira dhe e keqja. Ne e dimë në zemrat tona se duhet të bëjmë atë që është e mirë, por ne nuk mund ta bëjmë këtë pa Perëndinë. Ne gjithashtu e dimë se kur bëjmë të keqen, dhe se meritojmë të ndëshkohemi për këtë, por ne nuk mund të ndalojmë së bëri të keqen.

Shfaqni vizualin

Shpesh kur njerëzit ndodhen në vështirësi të mëdha dhe rrezik, ata i luten Perëndisë që t'i ndihmojë ata, edhe nëse nuk i kanë besuar Atij më parë. Një herë një djalosh ishte duke u mbytur në det. Ai thirri, "Oh, Perëndi, më ndihmo mua, dhe nëse shpëtohem nga mbytja, unë do të ta jap jetën Ty." Perëndia e shpëtoi atë nga mbytja dhe ai besoi Zotit. Pra ne kemi një farë zëri në zemrat tona që na tregon se ka një Perëndi.

Figura 1-4 – Bibla është Fjala e Perëndisë

Si mund ta njohim Perëndinë? Bibla është Fjala e Perëndisë (shih 2 Timoteut 3:16). Perëndia na ka dhënë një libër të veçantë, që është e ndryshme nga të gjitha llojet e librave të tjera në botë. Bibla është e veçantë sepse Perëndia u tha shkruesve se çfarë të shkruanin. Ai i ndihmoi ata për të shkruar gjithçka që Ai donte të na thoshte dhe ndodhet në librat e Biblës.

Nëpërmjet Biblës ne mund të njohim se kush është Perëndia dhe çfarë Ai ka bërë-ne mund të mësojmë madje edhe për mendimet dhe dëshirat e Perëndisë. Në Bibël Perëndia na tregon gjithçka që duhet të dimë rreth Tij. Për këtë arsye ne në takimet tona ne duam t'ju mësojmë se çfarë thotë Bibla.

Figura 1-5 – Perëndia na flet nëpërmjet Fjalës së Tij

Perëndia u kujdes për Biblën. Gjatë viteve, shumë janë përpjekur për të shkatërruar Biblën, por Perëndia është kujdesur gjithnjë për Librin e Tij të çmuar. Edhe pse është shkruar shumë vite më parë, ne mund ta lexojmë Atë sot. Perëndia u kujdes për Biblën sepse donte të fliste përmes saj me ne sot. Kur ju e lexoni Biblën ose dëgjoni dikë duke e lexuar atë, Perëndia flet me ju. Ai dëshiron t'ju ndihmojë për të kuptuar Fjalën e Tij. I kërkoni Perëndisë t'ju ndihmojë që të kuptoni Fjalën e Tij!

Në këto mësimë ne do të mësojmë disa të vërteta të rëndësishme që gjenden në Bibël. Ne shpresojmë që ju të mësoni rreth Perëndisë dhe ta njihni Atë si Zotin dhe Shpëtimtarin tuaj.

Figura 1-6 – Zoti Jezus Krisht na ka zbuluar Perëndinë

Si mund ta njohim Perëndinë?

Nëpërmjet botës së mrekullueshme që Ai ka krijuar; në zemrat tona; nëpërmjet Fjalës së Perëndisë, Biblës. Mbi të gjitha, ne mund ta njohim Perëndinë (shih Gjoni 1:18).

Biri i Perëndisë u bë njeri dhe lindi si një foshnje. Ai u rrit dhe u foli njerëzve rreth Perëndisë. Shumë prej fjalëve që Ai foli ndërsa ishte këtu në tokë janë të shkruara në Bibël. Gjërat e mrekullueshme që Jezusi ka thënë na mësojnë shumë rreth Perëndisë. Zoti Jezus jo vetëm u fliste njerëzve rreth Perëndisë me anë të fjalëve të Tij, por edhe ua tregonte se kush është Perëndia me anë të veprimeve të Tij.

- Ai tregoi që Perëndia është i mirë, sepse bëri të mira kudo që shkonte.
 - Ai tregoi se Perëndia është i gjithëfuqishëm, sepse Ai shëroi të sëmurë dhe madje edhe ringjalli njerëz nga të vdekurit.
 - Ai tregoi se Perëndia është dashuri, meqenëse u dha ushqim të uriturve.
- Zoti Jezus bëri shumë mrekulli të mëdha. Një natë, dishepujt, miqtë e veçantë të Jezusit, u nisën me një varkë përmes liqenit. Një erë e fortë po frynte dhe dallgët u rritën. Dishepujt u shqetësuan seriozisht. Kur dishepujt ndodheshin në mes të liqenit, papritur ata e panë Jezusin duke ecur mbi ujë. Pjetri zbriti nga varka dhe filloi të ecte mbi ujë drejt Jezusit. Por kur ai pa erën, u frikësua dhe duke filluar të zhytej, ai thirri “O Zot, shpëtomë!” (Mateu 14:30). Menjëherë Jezusi shtriu dorën dhe e kapi atë. Kur Jezusi u ngjit në varkë era pushoi. Pastaj ata që ishin në varkë e adhuruan Atë dhe thanë “Me të vërtetë ti je Biri i Perëndisë” (Mateu 14:33). Jezusi u kishte treguar atyre se Ai është Perëndia dhe se Perëndia është i gjithëpushtetshëm. Ai kishte pushtet mbi erën dhe dallgët. Ai ishte i aftë madje edhe të ecte mbi ujë.

Figura 1-7 – Perëndia flet-ne duhet të dëgjojmë, besojmë dhe bindemi

Ne kemi folur se si mund ta njohim Perëndinë.

- Bota e Tij e mrekullueshme na tregon për Të.
- Zemrat tona na tregojnë që Perëndia ekziston me të vërtetë.
- Perëndia na flet nëpërmjet Fjalës së Tij.
- Zoti Jezus Krisht na ka zbuluar Perëndinë.

Çfarë duhet të bëjmë kur mësojmë mbi Perëndinë?

Ne duhet të **dëgjojmë**. Është Perëndia që na flet-Ai që na ka krijuar, që është tejet i ditur, që është i pastër dhe i përsosur. Është e trishtueshme dhe shumë keq kur nuk duam të dëgjojmë atë që Perëndia ka për të na thënë.

Ne duhet të **besojmë** në atë që Perëndia thotë. Ne duhet të besojmë te Perëndia.

Disa thonë “Provoje që ka një Perëndi.” Unë do të përgjigjesha “Provoje që nuk ka Perëndi.” Ti nuk mund ta provosh se Perëndia ekziston duke thënë “Perëndia është këtu në këtë shtëpi.” Është si dikë që e hap orën dhe e zberthen për të gjetur orëndreqësin. Nuk mund të provosh se Perëndia ekziston sepse Ai është shumë i madh. Ai sundon mbi gjithçka. Perëndia dëshiron që ju t'i besoni Atij dhe fjalëve që Ai ka thënë në Bibël.

Ne duhet të **bindemi**. Ne duhet të bëjmë atë që Perëndia thotë. Në Bibël ne lexojmë këto fjalë “Sot, në qoftë se e dëgjoni zërin e tij, mos i ngurtësoni zemrat tuaja” (Hebrenjve 3:7-8). Mos i thoni “jo” Perëndisë, por bëni atë që ju thotë në Bibël.

Mësimi 2

Si mund të pajtohem me Perëndinë?

Pasazhet e Shkrimit për mësuesit

Romakëve 3:24-5:21

Mjetet vizuale

- Figurat 2-1, 2-2, 2-3, 2-4, 2-5, 2-6 dhe 2-7

Skema e mësimi

Figurat 2-1	Si mund të pajtohem me Perëndinë?
Figura 2-2	Perëndia është i pastër dhe i përsosur
Figura 2-3	Perëndia duhet të më ndëshkojë mua
Figura 2-4	Jezus Krishti e mori ndëshkimin tonë
Figura 2-5	Nëpërmjet Krishtit unë jam i falur
Figura 2-6	Mirësia e Krishtit më kalon mua (vihet në llogarinë time)
Figura 2-7	Gëzoni paqen, faljen dhe planin e Perëndisë për jetën tuaj

Mësimi

Figura 2-1 – Si mund të pajtohem me Perëndinë?

“Kush m’i ka marrë paratë?” thërriti Maria.

“Unë nuk kam prekur gjë,” tha Gimi. Por ai kishte shkuar në dyqan atë ditë dhe kishte blerë një zile të re biçiklete.

Maria nguli këmbë “Unë kisha mbledhur 19 euro dhe tani kanë mbetur vetëm 15. Mbrëmë ato ishin të gjitha.”

Gimi doli nga shtëpia me shumë ngut dhe i hipi biçikletës në vend që ta përballonte motrën e tij. Ndërsa po ecte në rrugë, ai shikoi zilen dhe iu kujtua se si i kishte vjedhur katër euro nga kuleta e motrës së tij, që të kishte mjaft para për ta blerë atë. Ai u ndje keq, jo thjesht sepse kishte marrë paratë e motrës së tij, por sepse e dinte se Perëndia e kishte parë atë duke marrë paratë dhe Perëndia na tregon në Bibël se ne nuk duhet të vjedhim. Ai ishte hajdut! Ai kishte vjedhur motrën e tij dhe nuk i ishte bindur Perëndinë. “Çfarë duhet të bëj tani?” mendoi Gimi. “Si mund të pajtohem me motrën dhe me Perëndinë?”

A ke bërë diçka të tillë si kjo? A ke vjedhur diçka që nuk të përkiste ty? A ke thënë gënjeshtër? A je treguar i pabindur ndaj Perëndisë? Çfarë duhet të bënte Gimi? Dhe çfarë duhet të bësh ti? Le të mendojmë për këtë për disa çaste – **Si mund të pajtohem me Perëndinë?**

Figura 2-2 – Perëndia është i pastër dhe i përsosur

Kini parasysh para së gjithash se Perëndia është i pastër dhe i përsosur. Ai nuk bën kurrë gjëra të gabuara. Nuk mëkaton kurrë por bën gjithnjë atë që është e drejtë. Ai është krejt i pastër. Dhe Perëndia është gjithnjë i drejtë. Ai e shpërblen të mirën dhe është gjithnjë një shpërblim i drejtë, por e ndëshkon të keqen dhe është gjithnjë një ndëshkim i drejtë. Kjo nuk do të thotë që ti do ta marrësh shpërblimin ose ndëshkimin menjëherë. Perëndia e sheh gjithçka që ndodh në jetët tona. Ti nuk mund t’i fshihesh Perëndisë.

Perëndia na ka treguar në Fjalën e Tij, Biblën, se çfarë duhet të bëjmë dhe çfarë nuk duhet të bëjmë. Ai na tregon se si duhet ta duam Atë duke e vënë Atë të parin në jetët tona, duke i kushtuar kohë për ta lavdëruar dhe adhuruar Atë, duke përdorur emrin e Tij në lutje dhe duke u folur të tjerëve mbi dashurinë e Tij, dhe jo si një fjalë betimi. Perëndia na tregon se si t'i duam të tjerët duke i ndihmuar ata e jo duke i dëmtuar, duke u thënë të vërtetën dhe jo duke i gënjer, duke i vlerësuar ata dhe jo duke qenë plot urrejtje, xheloz dhe lakmi.

Mendoni se si ka jetuar Zoti Jezus Krisht, Biri i Perëndisë kur ishte këtu në tokë. Ai bënte të mira, shëronte të sëmurët dhe ata që ndodheshin në vështirësi. Fjalët e Tij ishin gjithnjë të vërteta dhe të drejta. Ai i pëlqente gjithnjë Atit Qiellor në gjithçka që Ai bënte. Ai jetonte një jetë të përkryer. Ai nuk ka mëkatuar asnjë herë. Vetëm Perëndia mund të jetë i tillë-i pastër dhe i përsosur.

Figura 2-3 – Perëndia duhet të më ndëshkojë

Pa vizual.

Sa ndryshe jemi ne! Ne kemi bërë shumë gjëra të gabuara. Ne nuk flasim gjithnjë të vërtetën. Mendimet tona janë ndonjëherë të papastra. A ke patur ndonjëherë urrejtje në zemrën tënde për dikë? A ke qenë xheloz ndaj një djali ose vajzë tjetër që ka diçka që nuk e ke? A je ti “numri një” në jetën tënde, duke dashur të jesh sa më shumë për veten? Kjo është mëkat, është mosbindje ndaj Perëndisë.

Çfarë duhet të bëjë Perëndia? Ai duhet të na ndëshkojë. Imagjinoni duke qëndruar para Perëndisë si gjykatësi juaj, dhe Ai e kujton sa herë që nuk i jemi bindur një prej urdhërimeve të Tij. Ai ju ka parë sa herë që keni bënë ose thoni ose mendoni diçka të gabuar. Perëndia duhet të thotë “Ti je fajtor!”

Shfaqni vizualin.

Mund të krahasosh urdhërimet e Perëndisë me një zinxhir të artë që na lidh me Të. Secila hallkë e zinxhirit është një nga urdhërimet e Tij. Ja një që thotë “Binduni prindërve” (Efesianëve 6:1) dhe një tjetër thotë “Nuk do të kesh perëndi të tjerë para meje” (Eksodi 20:3).

Nëse ti vetëm një herë nuk i je bindur nënës ose babait, zinxhiri thyhet. Nëse vetëm një herë ke vënë televizorin, ose sportin ose dëshirat egoiste para Perëndisë, zinxhiri thyhet. Edhe nëse vendos se do të sillesh mirë që tani e tutje, zinxhiri është thyer tashmë dhe ti nuk mund t'ia dalësh mbanë. Bibla thotë se “nuk ka asnjëri të drejtë, as edhe një” (Romakëve :10). Ne të gjithë jemi fajtorë dhe nuk ka asgjë që mund të bëjmë për t'u bërë të drejtë në sytë e Perëndisë.

Perëndia është aq i pastër dhe i përsosur saqë nuk mund ta lejojë mëkatin në praninë e Tij. Kështu siç jemi, ne meritojmë që të ndahemi përgjithnjë nga Perëndia. Ne nuk mund të jemi së bashku me Perëndinë për shkak të mëkatit tonë. Ne meritojmë të ndëshkohemi.

Figura 2-4 – Jezus Krishti e mori ndëshkimin tonë

Por Perëndia, që na krijoi, edhe na do jashtë mase. Ai ka siguruar një rrugëdalje që të mund të vijmë tek Ai. Ai nuk mund ta anashkalonte mëkatin tonë, sepse Ai është gjithnjë i drejtë. Përgjigjja e vetme ndaj problemit të

mëkatit tonë ishte që Perëndia të dërgonte Birin e Tij në botë. Biri i Perëndisë u bë njeri. Ai lindi si një foshnje e vogël dhe u rrit duke iu bindur përsosmërisht Atit të tij Qiellor. Ai i zbatoi të gjitha urdhërimet e Perëndisë dhe nuk dështoi as dhe në një gjë të vogël. Perëndia Ati tha, “Ky është Biri im i dashur, në të jam kënaqur” (Mateu 17:5). Ai nuk duhet të kishte vdekur, sepse nuk kishte asnjë mëkat. Dhe megjithatë Ai vdiq për të marrë ndëshkimin për mëkatin tonë-tuajin dhe timin.

Le t’jua shpjegoj nëpërmjet historisë së ka ndodhur një ditë në një shkollë shumë kohë më parë. Ishte vendosur se nëse një nxënës do të vidhte diçka që i përkiste një tjetri, ai do të rrihej me shkop. Të gjithë nxënësit ishin të një mendje se kjo ishte një rregull e drejtë. Atë ditë djali më i vogël i klasës u kap duke vjedhur ushqimin e një djali tjetër. Rregulla duhet të zbatohet dhe ai u soll para klasës që të ndëshkohej. Djali e dinte se ishte fajtor dhe mësuesi ishte gati të merrte shkopin kur djali më i gjatë dhe i fuqishëm i klasës u ngrit në këmbë dhe tha “Zotëri, unë do ta marr ndëshkimin për të.” Dhe kjo është çfarë ai bëri. Djali tjetër, edhe pse nuk ishte fajtor e mori ndëshkimin për djalin më të vogël, që ai të lirohej.

Kjo është një histori ilustruese që tregon se çfarë Zoti Jezus ka bërë për ne, kur Ai vdiq në kryq. Ai nuk mëkatoi kurrë, por zuri vendin tonë. “Bibla thotë se “Ai u tejshpua për shkak të shkeljeve tona” (Isaia 54:5). Ndërsa Zoti Jezus vdiq në kryq, Perëndia e vuri tërë ndëshkimin për mëkatin tonë mbi Të. Ai thirri “Perëndia im, Perëndia im, përse më ke braktisur?” (Marku 15:34). Ne meritojmë të ndahemi nga Perëndia përgjithnjë. Zoti Jezus e mori atë ndëshkim në vendin tonë. Sa e madhe duhet të ketë qenë vuajtja, kur Ai pagoi për të gjitha mëkatet tona! Në fund Ai thirri “U krye!” (Gjoni 19:30). Ai e kishte paguar plotësisht çmimin e mëkateve tona. Ai u varros, por tre ditë më vonë Perëndia e ringjalli Atë nga të vdekurit. Me këtë, Perëndia tregoi që Jezusi është i vetmi Shpëtimtar dhe çfarë Ai ka bërë për ne mjaftonte për të larguar mëkatin tonë. Zoti Jezus u kthye në qiell për të qenë me Atin.

Figura 2-5 – Nëpërmjet Krishtit jam i falur

Lajmi i mirë është që nëpërmjet Krishtit ju mund të faleni. A doni që Ai t’ju falë dhe t’jua bëjë jetën të ndryshme? Largohuni nga gjërat e këqija dhe i besoni Zotit Jezus Krisht. Ai pagoi për mëkatin tënd në kryq. Nëse e ke seriozisht, ti mund t’i thuash Atij që tani “I dashur Zoti Jezus, unë jam një mëkatar. Të falenderoj që vdiqe në kryq për mua. Unë të kërkoj që ta largosh mëkatin tim dhe të marrësh kontroll mbi jetën time.” Bibla thotë “Ai që beson është shfajësuar nga të gjitha gjërat” (Veprat 13:39). Do të thotë që nëse ju i besoni Zotit Jezus Krisht, mëkatet tuaja janë të falura. Ato janë vendosur të gjitha mbi llogarinë e Zotit Jezus, kur vdiq në kryq.

Sa e mrekullueshme është të dish se nuk do të ndëshkoheni kurrë për mëkatet tuaja! Ato janë zhdukur. Imagjinoni sikur të gjitha gjërat e këqija që ke bërë të ishin shkruar nën emrin tënd. Tani për shkak të Zotit Jezus Krisht ato janë krejtësisht të fshira. Perëndia nuk i sheh më. Në sytë e Tij ata janë të harruara dhe të larguara prej nesh. Po t’i besosh Zotit Jezus Krisht, ti do të jesh i pastër në sytë e Tij.

Figura 2-6 – Mirësia e Krishtit na vihet në llogarinë tonë

Kur i besoni Zotit Jezus Krisht, jo vetëm që mëkatet tuaja janë të falura, por mirësia e Zotit Jezus Krisht vihet në llogarinë tuaj. Në vend të gjërave të

këqija që Ai ka fshirë, Perëndia shkruan nën emrin tënd të gjitha e mira që Zoti Jezus ka bërë. Është sikur ju i keni bërë ato, dhe sikur keni veshur një kostum të ri. Para se të besoni në Zotin Jezus, jeta juaj duhet të jetë për Perëndinë si rroba të pista. Rrobat tuaja ishin lecka të pista. Ai i ka hequr rrobat e pista dhe ju ka dhënë një rrobë të bardhë që quhet “rroba e drejtësisë” (Isaia 61:10). Nuk do të thotë që keni një rrobë të re të bërë prej stofi, por që nëse i besoni Zotit Jezus, Perëndia ju sheh të mbuluar nga mirësia e Birit të Tij. Ajo është dhurata e Tij. Nuk ka asgjë që ju mund të bëni për ta merituar atë. Perëndia bën gjithçka dhe asgjë nuk mund t’i hiqet ose t’i shtohet asaj. Ju e mbani mend se si kemi folur për të daljen tonë para Perëndisë si Gjykatësi. Ai është krejt i drejtë. Para se t’i kërkonit Zotit Jezus që të bëhej Shpëtimtari juaj, Ai mund të kishte thënë thjesht “Ti je fajtor e meriton që të ndahesh përgjithnjë prej Meje.” Por Zoti Jezus pagoi për të gjitha mëkatet tuaja kur Ai vdiq në kryq. Prandaj, kur ti i beson Atij, Perëndia thotë “Ti nuk je fajtor por i drejtë në sytë e Mi. Ti i beson Birit Tim dhe unë të shoh të mbuluar nga mirësia e Tij e përsosur. Në këtë mënyrë, ti mund të jetosh me bekimin Tim këtu në tokë dhe mund të vish për të qenë me Mua përgjithnjë në Qiell. A nuk doni që Zoti ta bëjë këtë për ty? Nëse nuk je ende i sigurt se të janë falur mëkatet dhe çfarë duhet të bësh, të lutem eja dhe ulu në një nga këto karrige në rreshtin e parë pas takimit. Unë do të të tregoj një varg nga Bibla dhe do të shpjegoj më shumë se çfarë duhet bërë. Unë mund të të ndihmoj, nëse vjen dhe ulesh këtu pas takimit.

Figura 2-7 – Gëzoni paqen, faljen dhe planin e Perëndisë për jetën tuaj

Ka një libër në Bibël që shpjegon atë që po ju mësoj sot. Ai quhet “Letra drejtuar Romakëve.” Perëndia i tha apostullit Pal që ta shkruante atë, që ta kishim në Biblat tona. Pasi shpjegon të vërtetën e mrekullueshme se si mund të falen mëkatet tona, Pali shkruan në tre vargje të ndryshme fjalën “prandaj.” Ai na tregon se si duhet të jetojmë nëse e kuptojmë këtë të vërtetë. Po ju lexoj tre vargjet, që vijnë në fillim të tre prej kapitujve:

- Para së gjithash Romakëve 5:1: “Të shfajësuar, pra, me anë të besimit, kemi paqe me Perëndinë nëpërmjet Jezus Krishtit, Zotit tonë.”
Meqenëse mëkatet tona janë falur dhe mirësia e Krishtit na është vënë në llogarinë tonë, ne jemi në paqe me Perëndinë. Sa e mrekullueshme është kjo! Para kësaj, mëkati ynë na bënte armiq me Perëndinë. Ne nuk donim që Zoti të sundonte mbi ne, e nuk e donim Atë në jetët tona. Ne ishim kundër Perëndisë. Tani që lufta me Perëndinë ka pushuar dhe ne jemi miqtë e Tij, në paqe me Të dhe me paqen e Tij në zemrat tona. Ne jemi së bashku me Perëndinë, sepse Zoti Jezus Krisht vdiq dhe u ringjall për të hequr mëkatet tona. Gëzoheni këtë miqësi të mrekullueshme me Perëndinë! Gëzoheni paqen e Tij!
- Dhe gëzoheni faljen e Tij! Te Romakëve 8:1 ne lexojmë “Tani, pra, nuk ka asnjë dënim për ata që janë në Krishtin Jezus.” Perëndia nuk do të na gjykojë për mëkatin tonë, sepse Zoti Jezus e mori tërë gjykimin mbi kryq. Ne jemi të sigurt në Jezusin nga të qenit të ndëshkuar nga Perëndia për të gjitha rastet kur ne nuk u jemi bindur urdhërimeve të Tij. Askush nuk mund të na thotë “Ti duhet të paguash për këtë.” Ne mund të themi “Zoti Jezus ka paguar tashmë për këtë në kryq dhe mua nuk më duhet të paguaj më

për të.” Ne nuk duhet të kemi frikë dhe të shqetësohemi nëse Perëndia do të na pranojë apo jo. Falja e Tij është e plotë dhe e lirë. Kënaquni me faljen e Perëndisë!

- Dhe kënaquni me planin e Perëndisë për jetën tuaj! Te Romakëve 12:1 Pali thotë “O vëllezër, po ju bëj thirrje, nëpërmjet dhembshurisë së Perëndisë, ta paraqisni trupin tuaj si fli të gjallë, të shenjtëruar, të pëlqyer te Perëndia, që është shërbesa juaj e mençur.” Çfarë dëshiron Perëndia që ju të bëni tani për shkak të gjithçkaje që Ai ka bërë për ju? Ai dëshiron që ju t’ia jepni Atij jetën, buzët, kohën, talentet e tua, gjithçka që keni dhe jeni. Është e arsyeshme ta bëjmë këtë sepse Perëndia e dha Birin e Tij të vetëm në kryq për ne.

A ju kujtohet se si Gimi i vodhi para motrës së tij? Pasi Gimi i kërkoi Zotit t’i heqë mëkatet, ai filloi të kursente para që ta paguante motrën sa më shpejt që të mundej. Ti mund t’i thuash Zotit “I dashur Atë qiellor, të falenderoj që ke falur mëkatin tim dhe më ke bërë të drejtë në sytë e Tu. Unë dua të ta jap veten time plotësisht Ty, që Ti të bësh çfarëdo që dëshiron me jetën time.” Zoti e pranon dhuratën e vetvetes. Ai do të të marrë ty dhe do të zbatojë planin e Tij e përsosur në jetën tuaj. Lëreni Zotin të bëjë vullnetin e Tij në jetën tuaj të përditshme, sepse plani i Tij është i përkryer. Gëzoni paqen, faljen dhe planin e Tij, pasi jeni pajtuar me Perëndinë.

A të kujtohet pyetja e Gimit “Si mund të pajtohem me Perëndinë?” Ti e di përgjigjen: kthehu nga mëkati yt dhe besoji Zotit Jezus Krisht. Nëpërmjet Krishtit ti mund të marrësh faljen dhe mirësinë e Tij të kalon ty. A do t’i kërkosh Zotit Jezus që ta bëjë këtë për ty? Mbaj mend se “Me anë të tij, ai që beson është shfajësuar nga të gjitha gjërat” (Veprat 13:39).

Mësimi 3

A je i sigurt?

Pasazhet e Shkrimit për mësuesit

1 Gjoni 3:9,14
1 Gjoni 5:13
Gjoni 10:27-29
Rom. 8:15-16
Hebrenjve 12:1
Filipianëve 2:13

Mjetet vizuale

- Figurat 3-1, 3-2, 3-3, 3-4, 3-5, 3-6 dhe 3-7

Skema përmbledhëse e mësimi

Figura 3-1 A je i sigurt?
Figura 3-2 Kuptoni se çfarë do të thotë të jesh i shpëtuar
Figura 3-3 Shikoni në jetën tuaj
Figura 3-4 Besoni në Fjalën e Perëndisë
Figura 3-5 Dëgjojeni Frymën e Shenjtë
Figura 3-6 Vazhdoni të ecni
Figura 3-7 Rrituni

Mësimi

Figura 3-1 – A je i sigurt?

Aleksandri përpëlitej e kthehej në shtrat. Ai ishte i mërzhitur, sepse kishte thënë një gënjeshtër për t'i shpëtuar një problemi në shkollë dhe mësuesi e kishte zbuluar atë.

“Dhe ti më thua se je i Krishterë!” kishte thënë ajo me tallje.

Aleksandri u ndje i turpëruar. Atij iu kujtua ajo mbrëmje në kamp kur i kishte kërkuar Zotit Jezus për të falur mëkatet e tij dhe për të marrë në kontroll jetën e tij. Por tani ai nuk ndjehej se ishte i Krishterë. “Mos duhet të shpëtohem përsëri?” pyeti ai veten në errësirë.

A ke pasur ndonjë shqetësim si Aleksandri? Në Bibël Perëndia na ka dhënë shumë ndihmë për problemet dhe përgjigjet e pyetjeve tona.

Figura 3-2 – Kuptoni se çfarë do të thotë të shpëtohesh

Një nga gjërat më të rëndësishme është të **kuptosh** se çfarë do të thotë të shpëtohesh.

Shpëtimi shpjegohet shumë qartë në Bibël. Kur Aleksandri i besoi Zotit Jezus si Shpëtimtar në kamp, Zoti ia hoqi të gjitha mëkatet e tij. Pse mund ta bënte Zoti Jezus këtë?

I lini fëmijët të përgjigjen.

Po, sepse Ai vdiq për mëkatet, Ai e mori ndëshkimin që meritonte Aleksandri. Por për t'u pranuar nga Perëndia duhet të jesh i përsosur në sytë e Tij. Edhe kjo ndodhi në çastin kur Aleksandri u shpëtua. Nga ky moment e tutje, Perëndia e shikonte Aleksandrin si të përkryer. Ne e dimë se Aleksandri nuk ishte i përkryer sepse ai gënjeu, por Perëndia vazhdoi ta shihte atë sikur ai

ishte i tillë! Nga kjo vinte përsosmëri? Nga Zoti Jezus. Perëndia e shikonte Aleksandrin sikur të kishte jetuar jetën e përsosur të Zotit Jezus. Po kjo vlen për çdo person që është i shpëtuar, prandaj kur ti i beson Zotit Jezus si Shpëtimtari juaj, Ai e largon ndëshkimin tuaj. A jua kthen atë përsëri? Jo! Ai ju jep “përsosmërinë/drejtësinë” e Tij për t’ju pajtuar me Perëndinë. A e merr Ai këtë “drejtësi”? Jo!

Kur mëkaton, dhe të Krishterët mëkatojnë, ata nuk e “njollosin” përsosmërinë e Krishtit. Gënjeshtra e Aleksandrit nuk e cënoi drejtësinë e Krishtit në të cilën Perëndia e shihte akoma Aleksandrin. Perëndia vazhdoi ta pranonte Aleksandrin si të drejtë në sytë e Tij për shkak të vdekjes dhe drejtësisë së Krishtit. Aleksandri nuk kishte nevojë të shpëtohej më!

Figura 3-3 – Shikoni në jetën tuaj

Pa vizual

Shikoni në jetën tuaj. Ndoshta ti mund të jesh duke menduar “Atëherë nuk ka rëndësi nëse të Krishterët mëkatojnë. Ata mund të bëjnë atë që duan dhe të jenë megjithatë të shpëtuar.” Bibla e bën shumë të qartë se kjo nuk është e vërtetë. Çdo person që është pajtuar me Perëndinë gjithashtu ndryshohet nga Perëndia. Perëndia e bën çdo person të shpëtuar të ri nga brenda (2 Korintasve 5:17). “Natyra juaj e re” nuk mund të mbahet e fshehur për shumë kohë. Ajo është si të mbjellësh farërat. Nëse ti mbjell një farë molle, një pemë molle do të rritet, po të mbjellësh një farë gruri, grurë do të rritet. Kështu kur Perëndia “mbjell farën e Tij”, duke i dhënë jetë një personi, do të shihet. Do të ketë një ndryshim gradual. Nëse nuk ka asnjë ndryshim në një person, ai person nuk mund të shpëtohet.

Shfaqni vizualin

Nëse i besoni Zotit Jezus si Shpëtimtar, i hidhni një vështrim jetës suaj. Kur ju shikoni ndryshime, madje edhe ndryshime të vogla, në mendësinë dhe sjelljen tuaj, kjo ju ndihmon që ta dini se jeni i shpëtuar.

Le të kthehemi përsëri tek Aleksandri. Para se të shkonte në kamp ku u shpëtua, ai nuk donte t’ia dinte fare për gënjeshtrat që ai thoshte, por më pas, gënjeshtrat filluan ta shqetësonin atë. Ky ishte një ndryshim që Perëndia kishte realizuar. Në Bibël ne lexojmë se ata që janë të shpëtuar nuk vazhdojnë së mëkatuari pa u shqetësuar (1 Gjoni 3:9). Megjithatë Perëndia i sheh fëmijët e Tij të përsosur në Krishtin, jetët e tyre nuk janë të përsosura. Ata mëkatojnë, por mëkati i tyre i trishton ata. Ata e dinë se mëkati i tyre e prish miqësinë e tyre me Perëndinë dhe ata duan t’i tregojnë Perëndisë se janë penduar. A mund të shihni një ndryshim të tillë në jetën tuaj? Ju jeni mërzitur me gjërat e këqija që bëni; ka mëkate prej nga të cilat Perëndia ju ka ndihmuar që të hiqni dorë. A mund të thoni “Po, pak nga pak Perëndia po më ndryshon”?

Një ndryshim tjetër që mund të shpresoni të shihni është që do të doni të shkoni në shkollën e të dielës, kishë ose klubin e lajmit të mrë. Ju do të doni të mësoni nga Fjala e Perëndisë, Bibla, dhe ju do të ndjeni se jeni bashkë me të tjerë që e njohin dhe e duan Zotin Jezus (1 Gjoni 3:14). A mund t’i shihni këto ndryshime në jetën tuaj? Duke i parë këto ndryshime “të vogla graduale” mund të jeni të sigurt se i përkisni Perëndisë.

Por nëse nuk ka asnjë ndryshim, nëse një djalë ose një vajzë vazhdon të jetojë në një mënyrë mëkatore dhe nuk dëshiron të mësojë nga Fjala e

Perëndisë, ai person nuk mund të thotë se është i shpëtuar. Bibla thotë se ndryshimi në jetën tuaj, duke jetuar për Zotin Jezus, është provë që tregon se je i shpëtuar (Jakobi 2:26).

Figura 3-4 – I besoni Fjalës së Perëndisë

I besoni Fjalës së Perëndisë. Ollga kishte një problem. Kur ishte një vajzë e vogël, ajo jetonte në një jetimore ku ishte shumë e pakënaqur. Një çift i dashur filluan ta vizitojnë atë duke dashur ta njohin atë. Një ditë ata e morën Ollgën me vete për të jetuar në shtëpinë e tyre. Më vonë ata shkuan në gjyq dhe e birësuan atë nga ana ligjore. Ajo u bë bija e tyre. Kur Ollga ishte aq e rritur aq sa të kuptonte se i shfaqën asaj certifikatën e birësimit, që tregonte se ajo i përkiste me të vërtetë atyre. Ata e donin Ollgën dhe kujdeseshin për të. Shpesh ata thoshin “Ollga, ne jemi shumë të lumtur që ti je bija jonë.” Ndonjëherë ndërsa rrinte në shtrat Ollgës iu kujtua jetimorja. Ajo kishte frikë se mund ta kthenin atje dhe fillonte të qante. Një natë babai i saj erdhi dhe i dha një përqaqim të madh dhe i fshiu lotët. “Ollga” tha ai butësisht, “Unë të kam thënë shumë herë se ne të duam ty. Ti na përket ne dhe kjo është shtëpia jote. Ne të kemi treguar edhe certifikatën e birësimit. Ti nuk do të kthehesh kurrë në një jetimore. Ollga, të lutem më beso dhe mos u shqetëso më.”

Kjo është çfarë të thotë Perëndia, nëse e ke pranuar Zotin Jezus si Shpëtimtarin tënd. Ai dëshiron që të besosh atë që të thotë në Bibël. Kjo do të të ndihmojë për të ditur që je i shpëtuar.

Lexo 1 Gjoni 5:13 nga Bibla.

Ti mund t'i nënvizosh këto fjalë që janë premtimet e Perëndisë se ata që i besojnë Krishtit janë të shpëtuar.

Dëgjoni këto fjalë që i ka folur Zoti Jezus, Bari i Mirë.

Lexoni Gjoni 10:27-29 nga Bibla juaj.

Ai u thotë atyre që janë të shpëtuar “Besoni fjalën time.”

Ndonjëherë djalli do të pëshpërite “Ti nuk je i Krishterë, shiko çfarë ke bërë.”

Mund të kthehesh te Bibla për ndihmë.

Perëndia premtonte “Kushdo që do ta thërrasë emrin e Zotit” (Romakëve 10:13). Ju mund të besoni çfarë Perëndia thotë, edhe kur nuk ndjehesh se je i Krishterë, edhe kur djalli dëshiron që ju të dyshoni.

Figura 3-5 – Dëgjoni Frymën e Shenjtë

Dëgjoni Frymën e Shenjtë. Perëndia ka dërguar Dikë shumë të veçantë për t'u treguar fëmijëve të Tij se ata janë të shpëtuar. Ky Dikë i veçantë është Perëndia Fryma e Shenjtë. Ai jeton në çdo person që është i shpëtuar. Është Ai që i sjell ndryshimet në jetën tuaj, duke ju ndihmuar që të ktheheni nga e keqja, duke ju bërë të pendoheni kur mëkatoni, e ju nxit që të mësoni Fjalën e Perëndisë dhe ju ndihmon që ta kuptoni atë. Ndonjëherë kur dëgjon një mësim Biblik, ose lexon Biblën, ka diçka që ti e di se është e drejtë, ti provon një ndjenjë gëzimi nga brenda, sytë tuaj mund të të shndrisin, mësimi është shumë i dobishëm. Perëndia Fryma e Shenjtë që jeton në ty e bën këtë dhe Ai po të ndihmon që ta dish se je i shpëtuar. Ndoshta ti ke pasur një kohë të vështirë në familje ose shkollë. Shokët janë kthyer kundër teje, ke marrë

ndoshta një ndëshkim të pamërituar, apo dikush të ka bërë titur me zemërim. Ti kthehesh te Perëndia. “Të lutem Atë, më ndihmo” i lutesh Atij. Si e di se Perëndia është Ati yt dhe si fëmija i Tij ti mund të kthehesh tek Ai? (Romakëve 8:15-16.) Perëndia Fryma e Shenjtë të tregon të kthehesh te Perëndia dhe ta thërrasësh Atë Atin tuaj. Është e mrekullueshme ta kesh Perëndinë Frymën e Shenjtë në zemrën tënde që të jep sigurinë se je fëmija i Perëndisë. Por të Krishterët mund ta trishtojnë Frymën e Shenjtë aq shumë sa që nuk e dëgjojnë më zërin e Tij. Kjo ndodh kur ne zgjedhim të bëjmë të keqen dhe vazhdojmë duke e bërë atë. Ndoshta ti e ke bërë këtë dhe duhet t’ia tregosh këtë mëkat Perëndisë dhe të kthehesh prej tij. Ndërsa jeton për të kënaqur Perëndinë, Fryma e Shenjtë të ndihmon dhe të tregon se Perëndia është Ati yt.

Figura 3-6 – Vazhdoni

Vazhdoni. Ta zëmë se do të merrje pjesë në një garë vrapimi të gjatë. Ti ke një trajner të shkëlqyeshëm që të ndihmon dhe të inkurajon shumë, dhe të stërvit mirë. Trajneri e di se mund t’ia dalësh, por kjo nuk do të thotë se gara do të jetë e lehtë ose mund të dekurajohesh gjatë vrapimit. Jo, ti duhet të përpiqesh dhe të vraposh sa më shumë të mundesh. Po kështu ndodh edhe në jetën e Krishterë. Nëse Perëndia të ka shpëtuar, ti do të jesh në Qiell me Të. Ai të ka dhënë gjithçka që të nevojitet për të jetuar për Të. Ndonjëherë ti mëkaton, apo rrëzohesh. Por të Krishterët e vërtetë nuk dorëzohen. Zoti Jezus tha se ata që ngulmojnë në besim deri në fund (Mat. 24:13). Por të Krishterët e vazhdojnë garën, duke e ditur se nuk do të ketë asnjë pjese e garës ku Ati i tyre Qiellor nuk do t’i ndihmojë. “Le të rendim me durim në udhën që është përpara nesh” (Hebrenjve 12:1b). Nëse e di në zemrën tënde se je i shpëtuar dhe ndoshta ky mësim e ka bërë edhe më të qartë, falenderoje Perëndinë. Bëje këtë tani qetësisht në zemrën tënde. Është gjëja më e mrekullueshme që mund të dish.

Ndoshta është shumë e qartë tani për ty se nuk je i shpëtuar. A dëshiron me gjithë zemrën tënde? Ti mund t’i besosh Shpëtimtarit tani “Kushdo që do ta thërrasë emrin e Zotit do të shpëtohet” (Romakëve 10:13).

Perëndia do të të pajtojë përgjithnjë. Ai do të fillojë të të ndryshojë dhe do të të ndihmojë që të rendni vrapimin e jetës së Krishterë.

Figura 3-7 – Rrituni

Kur je i pajtuar me Perëndinë, do të duash të rritesh. Nuk do të thotë se do të jesh më i gjatë ose më i shëndoshë, por ta njohësh Atë më mirë dhe ta duash Atë më shumë. Do të thotë ta kënaqësh Atë me anë të mënyrës së të jetuarit; do të thotë të jesh më i ngjashëm me Të.

Kur Zoti e vendos jetën e Tij në ne, Ai na jep dëshirën për t’u rritur në këtë mënyrë dhe Ai na jep fuqinë për ta bërë atë (Filipianëve 2:13). Bibla e bën gjithashtu të qartë se ne duhet të bëjmë pjesën tonë dhe të përdorim mjetet që Zoti ka dhënë për të na ndihmuar që të rritemi (Filipianëve 2:12). Në këtë mënyrë ne mund të tregojmë se i përkasim me të vërtetë Zotit.

Lutu! Fol me Perëndinë çdo ditë. Ai është Ati juaj Qiellor, dhe Ai dëshiron që ti t’i tregosh Atij gjithçka.

Lexo dhe bindu Biblës! Perëndia na ka dhënë këtë Libër që ta njohim Atë më mirë. Duke bërë atë që Bibla thotë, Zoti do të të bëjë të rritesh në jetën e Krishterë.

Dëshmo! Tregoju të tjerëve se çfarë ka bërë Zoti Jezus për ty. Familja dhe miqtë tuaj duhet ta dinë se si edhe ata mund të bëhen fëmijë të Perëndisë. Duke u folur të tjerëve bëhesh një i Krishterë më i fortë.

Shko në kishë dhe shkollën e të dielës! Të shkuarit në kishë do të të forcojë në dashurinë tënde për Shpëtimtarin. Ti mund të mësosh më shumë rreth Perëndisë, dhe mund të marrësh ndihmë dhe inkurajim nga të Krishterë të tjerë.

Kur je duke u rritur në Krisht, mund të jesh i sigurt se je fëmija i Tij dhe Ai po të bën më të ngjashëm me Vetën.

Mësimi 4

Pse unë jam këtu?

Pasazhet e Shkrimit për mësuesit

Zanafilla 2:7

Psalmi 139:14

Veprat 17:25

1 Pjetrit 3:18

Romakëve 8:29

Veprat 1:8

Mjetet vizuale

- Figurat: 4-1, 4-2, 4-3, 4-4, 4-5, 4-6 dhe 4-7

Skema përmbledhëse e mësimi

Figura 4-1 Pse jam këtu?

Figura 4-2 Perëndia më ka krijuar

Figura 4-3 Perëndia ka një plan për jetën time

Figura 4-4 Krishti vdiq dhe u ringjall për të më shpëtuar

Figura 4-5 Të më bëjë më të ngjashëm me Jezusin

Figura 4-6 T'u flas të tjerëve për Krishtin

Figura 4-7 Besojini Perëndisë, duajeni Atë dhe kënaqeni Atë në gjithçka

Mësimi

Figura 4-1 – Pse jam këtu?

Shumë njerëz kalojnë përmes jetës pa një synim të vërtetë, sikur janë krijuar që të kënaqen, të gjejnë një punë, të fitojnë para dhe të kenë një familje. A është ky qëllimi kryesor në jetë? **Pse ndodhem këtu, cili është qëllimi i jetës?** Kjo është një pyetje e rëndësishme. Po ku mund ta gjejmë përgjigjen? Ka vetëm një Libër që na e jep përgjigjen e duhur ndaj kësaj pyetje shumë të rëndësishme. Është Bibla, Fjala e Perëndisë. Bibla na tregon se nga kemi ardhur, pse ndodhemi këtu dhe ku po shkojmë. Le ta zbulojmë së bashku se çfarë thotë.

Figura 4-2 – Perëndia më ka krijuar

Le të kthehemi te fillimi. Perëndia ka qenë gjithnjë, para se të kishte njerëz, kafshë, apo çfarëdo. Pastaj Perëndia krijoi gjithçka-qiejt, tokën dhe detin; diellin, hënën dhe yjet; kafshët, peshqit dhe zogjtë; pemët, lulet dhe bimët. Dhe në fund Perëndia krijoi njerëzit. Bibla thotë se në fillim “Zoti Perëndi formoi njeriun” (Zanafilla 2:7). Perëndia krijoi burrin e parë Adamin, dhe gruan e parë Evën.

Disa njerëz thonë se njeriu filloi të ekzistonte thjesht nga rastësia. Ata duan të na thonë se ne kemi qenë organizma njëqelizore, që me miliona vjet u rritën dhe u shndërruan nga një trajtë në tjetrën derisa më në fund ata u kthyen në njerëz. Njerëzit që i besojnë teorisë së evolucionit e kanë gabim. Të besosh çfarë ata thonë është si të besosh se nëse do të hedh disa gjilpëra, ato do të kthehen një ditë në orë. Nuk është e mundur. Dikush duhet të na krijonte dhe ai dikush është Perëndia. Ai është Krijuesi. Mendoni pak për duart, këmbët,

veshët, sytë, trurin dhe trupin tuaj dhe mënyrën se si funksionon. Vetëm Perëndia mund ta bënte këtë. Mbreti David ka shkruar një herë këtë fjali dhe e kemi tani në Bibël – “Jam krijuar në mënyrë të mrekulluar” (Psalmi 139:14). Kjo është e vërtetë.

Mos lini ndokënd që t’ju thotë se keni ardhur në këtë botë rastësisht. Perëndia na ka dhënë jetë të gjithëve. Ai vendosi që të përdorte prindërit në mënyrë që fëmijët e vegjël të lindin. Por është Perëndia që i jep jetë secilit prej fëmijëve të vegjël. Bibla thotë “Ai u jep të gjithëve jetë” (Veprat 17:25). Brenda nënës suaj, Ai ju krijoi ashtu si jeni, me qenien tuaj të mirëfilltë, që mendon, ndjen dhe vendos. Ti mund të thuash sot “Perëndia më ka krijuar dhe unë jam shumë i rëndësishëm për Të.”

Figura 4-3 – Perëndia ka një plan për jetën time

Para se një person të nisë diçka, ai zakonisht ka një plan. Për shembull, kur një skulptor fillon të punojë mbi një copë guri, ai e di se çfarë dëshiron të nxjerrë prej tij. Perëndia është shumë më i madh se çdo skulptor. Perëndia ka një plan të mrekullueshëm për jetën tuaj. Bibla thotë se njeriu është krijuar sipas shëmbëlltyrës së Perëndisë. Në fillim Adami dhe Eva kënaqeshin në praninë e Perëndisë. Ata e donin Perëndinë. Ata flisnin me Perëndinë dhe Perëndia fliste me ta. Perëndia i donte ata shumë dhe Ai donte që kjo miqësi e veçantë të vazhdonte. Por, burri dhe gruaja e parë u larguan nga Perëndia. Perëndia u tha atyre se kishte një pemë prej nga nuk duhet të hanin frytin, pema e njohjes së të mirës dhe të keqes. Ai tha “Ditën që do të hash prej saj ke për të vdekur me siguri” (Zanafilla 2:17). Kjo pemë nuk ishte atje për t’u bërë keq por për t’i ndihmuar. Duke mos marrë frytin nga pema dhe duke bërë atë që Perëndia kishte thënë, ata mund ta tregonin se e donin Perëndinë dhe donin të qëndronin bashkësi me Të.

Por, Adami dhe Eva nuk iu bindën Perëndisë dhe hëngrën nga fryti i pemës. Ata mëkatuan. Në një kuptim të mirëfilltë, ata vdiqën nga brenda atë ditë (edhe pse trupat e tyre nuk vdiqën menjëherë por pas disa vitesh). Ata u ndanë nga Perëndia për shkak të mëkatit të tyre. Në atë gjendje, ata nuk mund të jetonin për Perëndinë dhe të ishin së bashku me Të. Dhe çdo fëmijë që ka lindur që nga ajo kohë, përveç Njërit, ka lindur në mëkat. I vetmi që ishte i ndryshëm ishte Zoti Jezus Krisht, Biri i Perëndisë. Ne të gjithë kemi lindur me diçka në zemrat tona që na shtyn të bëjmë të keqen dhe të mos i bindemi Perëndisë. Për këtë arsye ne themi dhe bëjmë gjëra mëkatore. Ne ecim sipas vullnetit tonë dhe jo atij të Perëndisë.

Por Perëndia nuk ka hequr dorë nga plani i Tij që ne të jetojmë në bashkësi me Të, që ta duam Atë dhe të jetojmë për Të. Perëndia e dinte që nga fillimi se çfarë do të ndodhte dhe Ai e ka dekretuar gjithçka që do të bënte. Ai do të dërgonte Birin e Tij në tokë për të na shpëtuar. Për këtë arsye Biri i Perëndisë u lind si një fëmijë i vogël. Zoti Jezus Krisht është me të vërtetë dhe plotësisht Perëndi. Ai u bë njeri. Ai është Perëndi dhe njeri, dhe megjithatë një person. A nuk është kjo e mrekullueshme! Zoti Jezus u rrit. Ai ka qenë një herë në moshën tuaj. Atij i pëlqente të luante dhe të vraponte. Por kishte diçka shumë të ndryshme rreth jetës së Tij. Ai nuk ka mëkatuar kurrë, por iu bind gjithnjë Perëndisë, Atit të Tij Qiellor. Plani i mrekullueshëm i Perëndisë është t’ju shpëtojë dhe t’ju bëjë gjithnjë e më të ngjashëm me Zotin Jezus, që ju të kënaqeni në praninë e Tij. Si mund ta bënte Perëndia këtë? Duhet të ndodhte diçka e jashtëzakonshme.

Figura 4-4 – Krishti vdiq dhe u ringjall për të më shpëtuar

E vetmja mënyrë që ju dhe unë të jemi së bashku me Perëndinë dhe të jetojmë për Të ishte që Zoti Jezus Krisht, Biri i Perëndisë të vdiste për ne dhe të ringjallej nga të vdekurit. Ja çfarë ndodhi. Zoti Jezus është i vetmi që jetoi një jetë të përsosur. Ai bëri të mira, mësonte njerëzit, shëronte të sëmurët, dhe ndihmoi nevojtarët. Askush nuk ka jetuar si Ai. Ai është i vetmi që nuk të vdiste, sepse nuk kishte mëkatuar kurrë. Pastaj një ditë njerëzit e këqij e morën Zotin Jezus Krisht dhe e gozhduan në kryq. Ai e lejoi që kjo të ndodhte, sepse ishte vullneti i Perëndisë që Ai të vdiste ashtu. Dhimbja që Ai vuajti nga plagët në kokën, duart dhe këmbët e Tij nuk ishte asgjë në krahasim me vuajtjet në zemrën e Tij. Sepse në kryq, Ai e mori ndëshkimin për të gjithë mëkatin tonë. Ai u nda nga Ati i Tij Qiellor, ndërsa Perëndia vuri mbi Të tërë mëkatin tonë. Ai thërriti: “Perëndia im, Perëndia im, pse më ke braktisur?” (Mateu 27:46). Ky ishte çmimi që Ai duhet të paguante për të hequr mëkatin tonë. Më në fund Ai thirri “U krye!” (Gjoni 19:30). Ai kishte paguar plotësisht çmimin për të gjitha mëkatet tona. Më vonë një ushtar i shpoi brinjën me një heshtë dhe gjaku doli nga trupi i Tij. Sa shumë Ai na desh që ishte i gatshëm për të vdekur për ne. “Krishti ka vuajtur një herë për mëkatet, i drejti për të padrejtët, për të na çuar te Perëndia” (1 Pjet. 3:18). Ai u varros, por pas tre ditësh Perëndia e ringjalli nga të vdekurit. Me këtë, Ai tregoi se Jezusi është me të vërtetë Biri i Perëndisë, dhe se duke dhënë gjakun e Tij të çmuar Ai ka paguar për të gjithë mëkatin tonë. Ai u kthye në Qiell. Ai është një Shpëtimtar i gjallë.

Figura 4-5 – Të më bëjë më të ngjashëm me Jezusin

Çfarë duhet të bësh për të qenë bashkë me Perëndinë? Kthehu nga mëkati dhe besoji Krishtit që të të shpëtojë. A je i gatshëm që të mos bësh më gjërat e këqija në jetën tënde? Ti mund t'i thuash Zotit se dëshiron të jetosh ndryshe. A do të varesh plotësisht te Zoti Jezus Krisht për të larguar mëkatin tënd dhe për të të bërë ashtu si Ai dëshiron të jesh? Ti mund t'i thuash Zotit se ti shpreson vetëm tek Ai për të të shpëtuar nga mëkati dhe për të të bërë një fëmijë të Perëndisë. Nëse e ke seriozisht, ti mund t'i lutesh Zotit Jezus Krisht dhe të thuash “I dashur Zoti Jezus, unë jam një mëkatar. Të falënderoj që ke vdekur në kryq për mua. Zoti Jezus, më shpëto mua tani. Le të filloj një jetë të re me Ty.” Bibla thotë “Ai që beson në Birin ka jetën e përjetshme” Bibla thotë “Kush beson në Birin ka jetë të përjetshme” (Gjoni 3:36). Nëse e bën këtë sot, a do të më thuash që të lutem për ty në jetën tënde të re? Nëse dëshiron ta bësh këtë, por nuk e di se si, të lutem eja dhe më thuaj pas takimit. Unë do të jem atje në radhën e parë. Kur ti vjen te Zoti Jezus Krisht, është thjesht fillimi i një jetë të re së bashku me Të. Në çastin kur i beson Krishtit, Ai vjen për të jetuar në ty me anë të Frymës së Shenjtë. Perëndia Ati, Perëndia Biri dhe Perëndia Fryma e Shenjtë. Trupi yt është si një shtëpi ku Ai jeton. Ai vepron në ty për të të bërë më të ngjashëm me Jezusin. Duke lexuar Biblën, Ai të ndihmon që të kuptosh dhe bësh atë që thotë. Ai do të të ndihmojë që t'i bindesh Perëndisë, ashtu si Zoti Jezus. Kur flet me Perëndinë në lutje Fryma e Shenjtë të ndihmon të lutesh. Ashtu si Zoti Jezus u lut kur ishte në tokë, Fryma e Shenjtë të udhëheq që të kërkosh për gjërat që e kënaqin Perëndinë dhe t'i besosh Perëndisë për përgjigjen e Tij.

Nëse ke probleme dhe vështirësi, Fryma e Shenjtë të nxit që të vazhdosh të jetosh për Perëndinë ashtu si Zoti Jezus.

Ai bën që gjëra të mira të rriten në jetën tënde-mirësi, gëzim, durim, dashuri, besnikëri dhe gjëra të tjera që njerëzit i kanë parë në jetën e Zotit Jezus. Ne nuk mund ta bëjmë këtë me forcat tona. Fryma e Shenjtë e bën atë në ne dhe nëpërmjet nesh. Sigurisht, ne shpesh nuk e lejojmë Atë që të bëjë gjithçka që Ai dëshiron. Ne zgjedhim të ecim në rrugën tonë ose përpiqemi t'i bëjmë gjërat me forcat tona. Ne dështojmë, mëkatojmë. Por Zoti Jezus vdiq edhe për ato mëkate të jetës sonë të re. Thuaji Atij se çfarë të këqijash ke bërë (1 Gjoni 1:9). Ai të fal dhe të ndihmon të jetosh për Perëndinë. A nuk është e mrekullueshme se si Perëndia na e jep Frymën e Tij të Shenjtë kur ne besojmë-për të bërë më të ngjashëm me Jezusin.

Figura 4-6 – T'u flasim të tjerëve për Krishtin

Kur dikush vjen te Krishti, Fryma e Shenjtë e ndihmon atë që të bëjë edhe diçka tjetër, t'u tregojë të tjerëve për Zotin Jezus Krisht. Zoti Jezus u dha një premtim pasuesve të Tij para se të kthehej në Qiell dhe ky premtim është edhe për ne sot "Ju do të merrni fuqi kur Fryma e Shenjtë do të vijë mbi ju dhe do të bëheni dëshmitarët e mi" (Veprat 1:8). Përveç se ta tregoni me jetën tuaj që e doni Zotin Jezus, ju mund të shfrytëzoni mundësitë për t'u treguar të tjerëve se çfarë domethënie Ai ka për ju. Ju nuk mund t'i flisni çdo personi në qytetin tuaj, por mund t'i flisni disave në familjen tuaj dhe disave në rrugë dhe në shkollën tuaj për Shpëtimtarin tuaj. Zoti Jezus tha "Kushdo që do të më rrëfejë përpara njerëzve, edhe unë do ta rrëfej përpara Atit tim që është në qiej" (Mateu 10:32). "Rrëfej" do të thotë ta shpallësh para të tjerëve se Jezusi është Shpëtimtari juaj.

Ndoshta disa prej tyre do të duan të besojnë në Zotin Jezus Krisht ashtu si ju keni bërë. A e dini se çfarë duhet t'i thoni një personi të tillë? Ju mund të përdorni traktin "Lajmi i Mirë për ju" ose thjesht flisni me personin. (Trakti "Lajmi i Mirë për ju" është prodhuar nga Bashkësia e Ungjillizimit të Fëmijëve për Evropën.)

- Para së gjithash, shpjegojuni atyre pse kanë nevojë për Shpëtimtarin. Flisni me ta se si ne të gjithë jemi mëkatarë, të ndarë nga Perëndia. Ju mund të përdorni vargun "Ne të gjithë endeshim si dele; secili prej nesh ndiqte rrugën e vet" (Isaia 53:6).
- Hapi i dytë është t'u flasim atyre rreth Shpëtimtarit. Shpjegojuni se si Biri i Perëndisë zbriti nga Qielli për të na shpëtuar nga mëkati ynë. Ju mund të përdorni vargun "Krishti ka vuajtur një herë për mëkatet, i drejti për të padrejtët, për të na çuar te Perëndia" (1 Pjet. 3:18). Tregojuni atyre se si Ai vdiq dhe u ringjall përsëri.
- Pas kësaj, u shpjegoni atyre se çfarë të bëjnë "Ai që beson në Birin ka jetën e përjetshme" Bibla thotë "Kush beson në Birin ka jetë të përjetshme" (Gjoni 3:36). Ju mund t'i ndihmoni ata me një lutje për t'i treguar Zotit se ata varen nga Ai për t'i shpëtuar ata.

Fryma e Shenjtë na ndihmon që t'u tregojmë të tjerëve. Ai gjithashtu i ndihmon të tjerët për të parë nevojën e tyre për Shpëtimtarin dhe për të besuar në Të.

Figura 4-7 – Besojini Perëndisë, duajeni Atë dhe kënaqeni në çdo gjë

Ju keni dëgjuar mbi planin e mrekullueshëm të Perëndisë për jetën tuaj, pse ju jeni këtu. Le ta përfundojmë mësimin tonë sot duke menduar për vullnetin e Tij për ju, që plani i Tij të zbatohet.

- Para së gjithash Perëndia dëshiron që ju t'i **besoni Atij**. Vëreni jetën tuaj në duart e Tij dhe mbështetuni te Ai që t'ju shpëtojë dhe t'ju bëjë ashtu si Ai dëshiron.
- Kur i besoni Perëndisë, ju filloni ta **doni Atë**. Ai na deshi i pari dhe ka bërë shumë për ne. Le ta duam Atë me gjithë zemrat tona. Ai është i denjë për dashurinë tonë.
- Së fundi, **kënaqeni Atë në gjithçka**. Fryma e Shenjtë do t'ju ndihmojë që ta vini Zotin të parin në jetën tuaj, dhe t'i bindeni fjalës së shkruar në Bibël. Ai do t'ju ndihmojë për të qenë gjithnjë e më të ngjashëm me Jezusin dhe për t'u folur të tjerëve rreth Tij. Ju ndihmoftë Ai që ta keni Atë si Mbret në jetën tuaj.

Mësuesi mund të ndajë një dëshmi të shkurtër personale rreth asaj se çfarë do të thotë të ndjekësh Zotin.

Mësimi 5

Çfarë do të ndodhë në të ardhmen?

Pasazhet e Shkrimit për mësuesit

Mateu 24:36-44

Gjoni 14:1-3

1 Korintasve 15:51-55

1 Thesalonikasve 4:13-18

Mjetet vizuale

- Figurat: 5-1, 5-2, 5-3, 5-4, 5-5, 5-6 dhe 5-7

Skema përmbledhëse e mësimit

Figura 5-1	Çfarë do të ndodhë në të ardhmen?
5-2	Zoti Jezus ka premtuar se do të kthehet përsëri
5-3	Trupat tanë do të ringjallen ose ndryshohen
5-4	Të Krishterët do të jenë së bashku me Zotin në qiell
5-5	Jo të Krishterët do të ndahen nga Zoti përgjithnjë
5-6	Do të ketë qiej të rinj dhe një tokë të re
5-7	A jeni gati?

Mësimi

Figura 5-1 – Çfarë do të ndodhë në të ardhmen?

Cila është ngjarja më e madhe që ka ndodhur ndonjëherë në historinë e botës?

Jepuni fëmijëve një mundësi për t'u përgjigjur.

Kur Kolombi zbuloi Amerikën? Apo kur Gutenberg shpiku makinën e shkrimit? Apo kur u shpikën kompjuterët? Apo kur Zoti Jezus Krisht vdiq në kryq për mëkatarët dhe u ringjall? Kjo ishte në fakt ngjarja më e madhe në histori. Cila është ngjarja më e madhe që do të ndodhë në të ardhmen? Kur Zoti Jezus të kthehet.

Figura 5-2 – Zoti Jezus ka premtuar se do të kthehet

Para se të kthehej në Qiell, Zoti Jezus u tha dishepujve të Tij "Unë do të kthehem" (Gjoni 14:3). Zoti e mban gjithnjë premtimin. Ne nuk e dimë se kur Ai do të kthehet, ndoshta çdo ditë. Një i Krishterë në Skoci, që e donte Zotin, bënte të njëjtën gjë çdo mbrëmje para se të shkonte në shtrat. Ai do të ulte perdet nga dritarja dhe thoshte, sikur priste me padurim Zotin Jezus të kthehej "Ndoshta sonte! Ndoshta sonte, Zot." Dhe pastaj në mëngjes, kur zgjohej, ai e ngrinte perden. Ndërsa vështronte ditën e re ai thoshte duke shikuar nga qielli "Ndoshta sot, Zot, ndoshta Zot!" Ai priste që Zoti të kthehej në çdo çast por ai kishte të drejtë që ishte gati.

Kur Zoti të kthehet, nuk do të jetë si një fëmijë i vogël. Ai nuk do t'i lejojë armiqtë e Tij që të tallen me të ose të pështyjnë në Të, siç ndodhi kur Ai erdhi për herë të parë, para se ta kryqëzonin. Zoti Jezus e ka fituar betejën mbi Satanin dhe mëkatin. Ai është Zoti i gjithçkaje dhe do të kthehet me pushtet dhe lavdi të madh. Bota do ta dijë një ditë se Zoti Jezus është Mbret.

Figura 5-3 – Trupat tanë do të ringjallen ose shndërrohen

Çfarë thotë Bibla se do të ndodhë kur Zoti Jezus të kthehet? Se do të prekë të gjithë-të gjithë ata që kanë vdekur (Gjoni 5:28-29), bashkë me ata që janë gjallë kur të kthehet. Meqenëse Zoti Jezus ka vdekur dhe u ringjall përsëri, Ai e ka pushtetin që të kthejë në jetë të gjithë ata që kanë vdekur.

Ata që e kanë vënë besimin e tyre te Krishti gjatë jetëve të tyre këtu në tokë, do të kenë trupa të mrekullueshëm si ai i Zotit Jezus, pasi Perëndia e ringjalli Atë. Zoti Jezus do të ndryshojë edhe trupat e të Krishterëve që janë gjallë kur të kthehet. Ne të gjithë do të shkojmë në Qiell së bashku. Bibla thotë se kjo do të ndodhë sa të hapësh e të mbyllësh sytë, në të njëqindtën e sekondës. Por çfarë do t'u ndodhë atyre që nuk e kanë vënë besimin e tyre te Zoti Jezus Krisht? Edhe trupat e tyre do të ringjallen, por meqenëse ata nuk donin të ishin bashkë me Zotin Jezus kur ishin në tokë, ata nuk do të jenë me Të kur ata ta lënë këtë botë.

Figura 5-4 – Të Krishterët do të jenë së bashku me Zotin në Qiell

Ne nuk dimë gjithçka se si do të jetë për ne kur të jemi në qiell. Gjëja më e mrekullueshme është të jesh me Zotin Jezus përgjithnjë. Ne do ta lavdërojmë Atë dhe do t'i shërbejmë Atij ashtu si vetëm Ai e meriton. Me trupat tona të mrekullueshme dhe të rinj, ne nuk do të lodhemi e as sëmuremi. Nuk do të ketë më shqetësim apo dhimbje. Ne as nuk do të mëkatojmë më. Bibla thotë "Do të jemi të ngjashëm me të, sepse do ta shohim se si është ai" (1 Gjoni 3:2). Ne do të jemi të mirë dhe të drejtë, dhe do të jetojmë si Zoti Jezus kur Ai ishte në tokë. Ne do ta duam Atë, ashtu si Ai na do.

Bibla na tregon që do të jemi bashkë me të Krishterët e tjerë që kanë vdekur dhe kanë shkuar në qiell para nesh. Ne do të jemi me Abrahamin dhe Davidin, Ruthin dhe Esterin (për të cilët flet Bibla) dhe me të tjerët që e njohin dhe e duan me të vërtetë Zotin. Ne do të jemi me ata nga familja dhe miqtë tanë që kanë besuar në Jezus Krishtin. Kjo e vërtetë duhet të na nxisë që të vazhdojmë të jetojmë për Jezusin këtu në tokë. Do t'ia vlejë gjithçka kur ta shohim Jezusin.

Figura 5-5 – Jo të Krishterët do të ndahen nga Zoti përgjithnjë

Ata që kanë jetuar pa Krishtin këtu në tokë, do të jetojnë pa Të pasi ta lënë këtë botë. Meqenëse ata nuk doni

n që Jezusi t'u falte mëkatet dhe vendosën që të ecnin sipas vullnetit të tyre, dhe jo sipas vullnetit të Perëndisë, ata nuk mund të jenë së bashku me Perëndinë. Perëndia është i pastër dhe i përsosur, kështu që nuk do të ketë mëkat në Qiell. Bibla e quan ku shkojnë njerëzit pa Perëndinë "ferr". Zoti, që di gjithçka rreth secilit prej nesh, do të marrë vendimin e duhur se ku duhet të jetë çdo person. Askush nuk mund të thotë se Perëndia nuk ka qenë i drejtë. Ai është gjithnjë i vërtetë dhe i drejtë. Bibla thotë "Është caktuar që njerëzit të vdesin vetëm një herë, dhe më pas vjen gjyqi" (Hebrenjve 9:27). Do të thotë se pas vdekjes ose pas ardhjes së Zotit Jezus, nuk do të ketë më mundësi që njerëzit të shpëtohen. T'i besosh Jezus Krishtit është e vetmja rrugë që çdo njeri të shpëtohet dhe të jetë gati për kthimin e Tij.

Figura 5-6 – Do të ketë qiej të rinj dhe një tokë e re

Bota jonë nuk do të vazhdojë përgjithnjë. Për një kohë të gjatë ajo është prishur nga mëkati, luftërat, krimi dhe lakmia. Ne e shohim këtë kudo. Bibla thotë që Perëndia do të krijojë qiej të rinj dhe një tokë të re. Që kjo të ndodhë, universi i vjetër duhet të digjet (2 Pjetrit 3:7-13). Ne mund ta presim me padurim qiellin e ri dhe tokën e re, ku gjithçka do të jetë e përsosur. Gjoni, dishepulli i Zotit Jezus, u udhëhoq nga Perëndia për të shkruar rreth kësaj të ardhme të mrekullueshme: “Dhe pashë një qiell të ri dhe një dhe të ri; sepse qielli i parë dhe dheu i parë kishin shkuar” (Zbulesa 21:1). Do të ketë gëzim për gjithnjë në zemrat tona, sepse ne, si të Krishterë të vërtetë, do të jemi me Zotin Jezus në Qiell dhe gjithçka do të jetë e përsosur.

Figura 5-7 – A jeni gati?

A jeni gati të shkoni në Qiell për të qenë me Zotin Jezus, kur të vdisni ose kur Ai të kthehet? Kur Zoti e shqyrton jetën tënde, çfarë Ai sheh? A e sheh Ai që mëkatet tuaja nuk janë ende të falura dhe që ju nuk i keni besuar Jezus Krishtit? Nëse Zoti Jezus do të vinte sot, a do të shkonit me Të?

Bibla thotë “Mund të shpëtojë plotësisht ata që me anë të Tij i afrohen Perëndisë” (Hebrenjve 7:25). Zoti dëshiron të falë mëkatin tuaj, që ju të jetoni së bashku me Perëndinë këtu në tokë dhe më pas në Qiell. Ju duhet të jeni gati t a lini Zotin t’ju shpëtojë nga mëkati juaj. Ju duhet t’i besoni Zotit plotësisht që t’ju çlirojë nga ndëshkimi që meritoni. Ju mund t’i thoni diçka të tillë si kjo: “I dashur Zoti Jezus, unë jam një mëkatar. Faleminderit që ke vdekur në kryq për mua. Unë vij tek Ty dhe të kërkoj të më shpëtosh. Bëj atë që dëshiron me jetën time.” Bibla thotë se Ai do t’ju shpëtojë plotësisht. Jeta juaj do të bëhet e pastër në sytë e Tij. Ai do të marrë kontroll mbi jetën tuaj. Atëherë, ju mund të shkoni për të qenë në praninë e Tij në Qiell. E ardhmja juaj është e sigurt në duart e Tij.